

Cynilwr Oedolion Cyntaf

Cynlluniwyd y cyfrif cynilo hwn yn benodol ar gyfer cwsmeriaid rhwng 18 a 40 oed sy'n chwilio am gyfrif cynilo â chyfradd gystadleuol, a mynediad cyfyng, ac sy'n cynilo ar gyfer rhywbeth penodol (fel prynu tŷ/car). Dim ond ar gyfer ymgeiswyr newydd sy'n byw yng Nghymru neu aelodau presennol (sy'n byw yn y Deyrnas Unedig) y mae ein cynhyrchion cynilo ar gael.

SWANSEA
BUILDING SOCIETY

Sefydlwyd 1923

www.swansea-bs.co.uk

Blwch crynodeb – Gwybodaeth Allweddol am y Cynnyrch:

Enw'r Cyfrif	Cynilwr Oedolion Cyntaf
Beth yw'r gyfradd llog?	<ul style="list-style-type: none">4.50% GROS/ 4.55% CFG (Amrywiol) Cyfraddau'n gywir ar 01.12.2023.Cyfrifir llog yn ddyddiol a'i ychwanegu at y cyfrif bob hanner blwyddyn ar Fehefin 40 a Rhagfyr 31.Telir llog yn gros heb i dreth gael ei dynnu. Os yw cyfanswm y llog a enillwch yn fwy na'ch Lwfans Cynilo Personol yna efallai y bydd angen i chi dalu treth yn uniongyrchol i CThEM. Am ragor o wybodaeth ewch i www.gov.uk a chwilio am 'Personal Savings Allowance'.Ystyr AER yw Cyfradd Flynyddol Gyfatebol (Annual Equivalent Rate) ac mae'n darlunio beth fyddai'r gyfradd llog pe telid y llog a'i ychwanegu'n flynyddol.Nodwch os gwelwch yn dda fod y driniaeth o ran treth a'r gyfradd llog sy'n daladwy, yn dibynnu ar amgylchiadau unigol pob cwsmer, ac fe allant newid yn y dyfodol.Bydd y gyfradd llog ar gyfer y cyfrif hwn yn cael ei harddangos ar ein gwefan ar www.swansea-bs.co.uk er mwyn i gwsmeriaid gael mynediad a monitro o bryd i'w gilydd yn ôl y galw.
A all Swansea Building Society newid y gyfradd llog?	<ul style="list-style-type: none">Gall – mae cyfraddau llog yn amrywiol, sy'n golygu y gall y gyfradd llog fynd i fyny ac i lawr, a gellir eu newid ar unrhyw adeg.Byddwn ni'n rhoi 14 diwrnod o rybudd ysgrifenedig drwy'r post ynghylch unrhyw newid arfaethedig i'n cyfraddau llog. Byddant hefyd yn cael eu postio ar ein gwefan, www.swansea-bs.co.uk neu gallwch ymweld ag unrhyw un o'n swyddfeydd cangen a restrir ar gefn y daflen hon, neu'u ffonio. Gellir cael manylion am gyfraddau llog cyfrifon cynilo eraill Swansea Building Society yn ein taflen 'Detholiad o Gyfrifon Cynilo' sydd ar gael drwy ymweld ag un o'n canghennau, neu'u ffonio neu ar lein ar www.swansea-bs.co.uk.Er mwyn deall pam y gallai cyfraddau gael eu gostwng, cyfeiriwch os gwelwch yn dda at ein Telerau ac Amodau Cyffredinol ar gyfer gweinyddu Cyfrifon Cynilo.
Beth fyddai'r amcangyfrif o falans ar ôl 12 mis?	<ul style="list-style-type: none">Balans arfaethedig = £1,045.60 (Mae'r ffigwr hwn i bwrpasau darlunio'n unig, ac nid yw'n ystyried amgylchiadau unigol y cwsmer, yn seiliedig ar wneud adnau o £1,000 a dim adneuo ychwanegol, na chodi arian na newid i'r gyfradd llog yn ystod y cyfnod 12 mis.)
Sut ydw i'n agor a rheoli fy nghyfrif?	<ul style="list-style-type: none">I agor cyfrif, rhaid eich bod yn preswyllo yng Nghymru. Galwch yn un o'n canghennau neu llenwch ffurflen gais a'i phostio atom ynghyd â siec yn daladwy i '(eich enw)'. I gael mwy o fanylion am ein proses Adnabod, gweler ein Taflen Profi eich Hunaniaeth sydd ar gael o swyddfeydd cangen neu ar lein ar www.swansea-bs.co.uk.Dim ond pobl sy'n 18 oed a than 40 oed all gael y cyfrif hwn. (Pan fydd deiliad y cyfrif yn cyrraedd 31 oed, trosglwyddir balans y cyfrif i gyfrif addas gyda Swansea Building Society oni bai fod cyfarwyddyd arall wedi'i dderbyn. Byddwn ni'n ysgrifennu at ddeiliad y cyfrif cyn yr adeg hon gan esbonio pa ddewisiadau sydd ar gael, gan gynnwys cau'r cyfrif a chodi'r arian).Gall un person agor uchafswm o bum cyfrif Cynilwr Oedolion Cyntaf.Lleiafswm y buddsoddiad yw £1. Uchafswm y balans y gellir ei ddal ar draws yr holl gyfrifon a ddelir gyda'r Gymdeithas yw £1m*, neu £500k os oedd y cwsmer wedi agor cyfrif gyda'r Gymdeithas am y tro cyntaf ar neu ar ôl 01.03.23. *Sylwer, pan fydd gan gwsmer (iaid) presennol a agorodd gyfrif ar neu cyn 28.02.23 falans ar draws cyfrifon o fwy na £500k, ni fyddant yn cael adneuo arian pellach os yw eu balansau cyfun yn fwy na'r symiau hyn.Gellir adneuo arian â siec, archeb sefydlog, trosglwyddiad banc electronig, trosglwyddiad o gyfrif arall a ddelir gan y Gymdeithas (yn unol â Thelerau ac Amodau'r cyfrif hwnnw) neu arian parod (cyfyngir adneuo arian parod i £3,000 fesul cwsmer fesul dydd).Gallwch reoli eich cyfrif mewn cangen, dros e-bost, drwy'r post neu ar lein drwy neges ddiogel (yn ddibynnol ar feini prawf cymhwysedd Cyfrif Swansea Online, ar gael pan fyddwch chi'n clicio ar 'Cofrestru Nawr / Register Now' ar https://swansea-bs.co.uk/customer-support/online-registration).

<p>Ydw i'n gallu codi arian?</p>	<ul style="list-style-type: none"> Gellir tynnu arian o'r cyfrif ddim ond ar ôl i 7 niwrnod ddod i ben wedi i ni dderbyn eich hysbysiad ffurfiol i'r Gymdeithas eich bod eisiau codi arian. Rhaid i'ch hysbysiad nodi'r swm i'w godi a gellir gwneud hynny drwy ymweld â ni mewn swyddfa gangen. Neu gallwch anfon eich cyfarwyddyd ysgrifenedig atom wedi'i lofnodi, drwy'r post, dros e-bost neu drwy gyfrwng ein gwasanaeth ar lein Swansea Online gan ddefnyddio'r gwasanaeth anfon neges ddiogel. Dim ond dan amgylchiadau eithriadol yr ystyrir rhoi mynediad i arian cyn y cyfnod rhybudd o 7 diwrnod. Y lleiafswm y gellir ei godi yw £1 (neu lai os yw'r cyfrif yn cael ei gau). Isafswm y balans y mae angen ei ddal yn y cyfrif hwn yw £1.
<p>Gwybodaeth Ychwanegol</p>	<ul style="list-style-type: none"> I weld y Telerau ac Amodau Cyffredinol sy'n berthnasol i'r cyfrif hwn, gweler "Telerau ac Amodau Cyffredinol ar gyfer gweithredu Cyfrifon Cynilo", sydd ar gael o'n canghennau neu ar lein ar www.swansea-bs.co.uk. Mae'r Gymdeithas yn rhan o'r Cynllun Iawndal Gwasanaethau Ariannol (FSCS). Gellir gweld manylion y cynllun a phwy sy'n cael eu gwarchod ganddo ar www.fscs.org.uk. Fe all costau a ffioedd gwasanaeth fod yn berthnasol i'ch cyfrif. Amlinellir y rhain yn ein Toll Cynilo. Dan rai amgylchiadau, fe allwn wrthod cyfarwyddyd i weithredu cyfrif. Amlinellir yr amgylchiadau hyn yn ein Telerau ac Amodau Cyffredinol ar gyfer gweithredu Cyfrifon Cynilo. Mae'r cyfrif at ddefnydd personol, nid ar gyfer busnes, oni bai ei fod yn un o'n cyfrifon arbennig ar gyfer sefydliadau.
<p>Telerau ac Amodau Penodol ar gyfer Cyfrif Cynilwr Oedolion Cyntaf</p>	<p>1. Agor y cyfrif a Therfynau Buddsoddi: Dim ond pobl rhwng 18 a 40 oed all agor y cyfrif hwn, yn eu henw nhw'n unig. Ni chaniateir gwneud ceisiadau ar y cyd. Pan fydd deiliad y cyfrif yn cyrraedd 41 oed, trosglwyddir balans y cyfrif i gyfrif addas gyda Swansea Building Society oni bai fod cyfarwyddyd arall wedi'i dderbyn. Byddwn ni'n ysgrifennu at ddeiliad y cyfrif cyn yr adeg hon gan esbonio pa ddewisiadau sydd ar gael, gan gynnwys cau'r cyfrif a chodi'r arian.</p> <p>2. Terfynau Buddsoddi: Lleiafswm y buddsoddiad yw £1. Uchafswm y balans y gellir ei ddal ar draws yr holl gyfrifon a ddeler gyda'r Gymdeithas yw £1m*, neu £500k os oedd y cwsmer wedi agor cyfrif gyda'r Gymdeithas am y tro cyntaf ar neu ar ôl 01.03.23. *Sylwer, pan fydd gan gwsmer(iaid) presennol a agorodd gyfrif ar neu cyn 28.02.23 falans ar draws cyfrifon o fwy na £500k, ni fyddant yn cael adneuo arian pellach os yw eu balansau cyfun yn fwy na'r symiau hyn.</p> <p>3. Buddsoddi Pellach: Gallwch ychwanegu at eich cynilon ar unrhyw adeg, drwy alw yn eich cangen leol â'ch adnau. Os yw'n fwy cyfleus, gallwch bostio'r adnau, gwneud taliad drwy drosglwyddiad banc electronig neu gynilo ag archeb sefydlog o gyfrif banc neu gymdeithas adeiladu a leolir yn y DU. *Sylwer, pan fydd gan gwsmer(iaid) presennol a agorodd gyfrif ar neu cyn 28.02.23 falans ar draws cyfrifon o fwy na £500k, ni fyddant yn cael adneuo arian pellach os yw eu balansau cyfun yn fwy na'r symiau hyn.</p> <p>4. Codi Arian: Gallwch ond godi arian o'ch cyfrif drwy roi rhybudd o saith diwrnod (oni bai dan amgylchiadau eithriadol)/ Arddangosir manylion ein cyfyngiadau codi arian parod a siec yn ein swyddfeydd cangen, ar ein gwefan ac o'n Prif Swyddfa.</p> <p>5. Llog: Mae'r llog yn amrywio ac fe'i cyfrifir yn ddyddiol ar y balans sydd yn y cyfrif. Credydil llog i'r cyfrif bob hanner blwyddyn ar ôl terfyn busnes ar Fehefin 30 a Rhagfyr 31. Anfonir datganiadau allan yn flynyddol ar Ragfyr 31.</p> <p>6. Telerau ac Amodau: Mae'r Telerau ac Amodau Cynnyrch penodol hyn yn berthnasol i'r cyfrif hwn yn ogystal â'n Telerau ac Amodau Cyffredinol ar gyfer Cyfrifon Cynilo. Pan fydd unrhyw anghysondeb rhwng y Telerau ac Amodau Cyffredinol ar gyfer Cyfrifon Cynilo a'r Telerau ac Amodau Cynnyrch penodol, y Telerau ac Amodau Cynnyrch penodol fydd yn berthnasol.</p>

Mae'r wybodaeth a ddarperir yn fersiwn gryno o nodweddion allweddol y cyfrif cynilo, ac ni fwriedir iddynt fod yn lle darllen y telerau ac amodau sy'n berthnasol i'r cyfrif.



www.swansea-bs.co.uk

Caerfyrddin

13-14 Heol Awst, Caerfyrddin SA31 3AQ
01267 611950 | carmarthen@swansea-bs.co.uk

Y Bont-faen

75 Stryd Fawr, Y Bont-faen, CF71 7AF
01446 506000 | cowbridge@swansea-bs.co.uk

Y Mwmbwls

496 Heol Mwmbwls, Abertawe SA3 4BX
01792 739200 | mumbles@swansea-bs.co.uk

Abertawe

1-4 Stryd Portland, Abertawe, SA1 3DH
01792 739100 | swansea@swansea-bs.co.uk

